



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 58. Regis responsum ad expositas rationes.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

Sæcul. XVI.

A.C. 1585.

His expositis Episcopus orationi suæ finem imposuit perdemisse Regi supplicans, quatenus a suo unionis edictum exequendi proposito nullatenus recedere, nullamque præter Catholicam Religionem in Francia tolerare, necnon jurisdictionem Ecclesiasticam, atque Ecclesiæ immunitates, & libertates factas tenere vellet: denique rogabat, ut tandem ab immodicis exactionibus suo Clero imponendis deinceps abstineret, atque Ecclesiasticos a solvendis Parisiensis Prætorii redivisibus exoneraret, tum ejusmodi pacta utpote innumeris ex titulis irrita, & nulla, nequaquam subsistere valerent.

§. LVIII.

Regis responsum ad expositas rationes.

*Actes &
mem. du
Clerge.*

Ceterum ad potissimos ex his articulis Rex responsum suum dedit, & quidem, dum Tridentinum Concilium recipi peteretur, hæc reposuit: „equidem jam sæpius ab Ordine Ecclesiastico ad id sollicitatus fui: verum ex congregatis nonnulli probe norunt, quod præter temporum vicissitudinem, quæ tum pacificationis edictis obstabat, unacum Senatu meo quosdam Præsides, ac Regii Senatus, Curieque Consiliarios convocarim, ac sæpius

„pius cum illis contulerim, semper ta- Sæcul. XVI.
 „men in Synodi decretis plura obser- A.C. 1585.
 „vata fuerint, quæ Ecclesiæ Gallicanæ
 „privilegiis, ac præprimis Regni mei
 „juribus summopere derogant: præterea
 „haud mihi certum videtur, quod cre-
 „bræ hæ sollicitationes desuper factæ
 „a totius Cleri voluntate procedant,
 „nam plures ex iis reperiuntur, qui ob
 „privata sua studia huic postulato non
 „subscripserunt: nihilominus consentio,
 „ut hac super re rursus deliberetur, ea-
 „propter meo Cancellario injunxi, ut
 „præfatos Præsides unacum meo Se-
 „nato convocaret, ac desuper delibe-
 „raret.

Circa electionum jura Rex hæc re-
 „posuit: „hoc jus mihi factum servari
 „volo, nec illo unquam abutar: quan-
 „tum vero ad appellationes, & juris-
 „dictionem cum meo Senatu a Præ-
 „sibus res conferenda est: interim
 „reditus quod attinet, declaro, quod
 „illos solvendo impar sim, quapropter
 „Clerus hoc munus in se suscipere tene-
 „tur: de cetero plura, quæ vobis hac
 „super re responderem, non mihi oc-
 „currunt.

Porro Clerus Gallicanus circa ap-
 „pellationes a jurisdictione usurpata rur-
 „sus apud Regem instabat, atque eidem
 „in memoriam revocabat, quod ipsus se
 „Hist. Eccles. Tom. I. A a hac

Sæcul. XVI
A.C. 1585.

hac super re edictum promulgatum spondidisset, verum Clerus nihil ab eo impetrare poterat: nihilominus de-
 nuo hæc postulata urgebantur, simul-
 que cuncta, quæ Briocensis Episcopus
 proposuerat, in scripto quodam libello,
 qui Regi die vigesima Octobris porri-
 gebatur, fuere iterata, ac præterea
 petebatur, ut Rex commendas suppri-
 meret, ac circa juvenes Canonicos, qui
 in Universitatibus literis vacant, quæ-
 dam statuta conderet, & Beneficia ab
 Archiepiscopis, Episcopis, Ordinum
 Prælati, aliisque, quibus id de jure
 competit, visitari permetteret: insuper
 Regi exponebatur, quod Concilii Tri-
 dentini decreta in se complecterentur
 duo capita, scilicet doctrinam, & di-
 sciplinam: quantum vero ad primum
 articulum nulla omnino obversaretur
 difficultas: si tamen quædam difficulta-
 tes circa disciplinam urgerent, eas fa-
 cile per diploma a Papa impetrandum
 tolli posse ibidem dicebatur, ac in eo-
 dem scripto observabatur, quod Con-
 cordatum factum fuerit Ecclesia Gal-
 licana nunquam consentiente, imo ne-
 quidem audita, aut vocata, ac Sena-
 tus, ne edictum confirmaretur, totis
 viribus sese opposuisset: attamen has
 ipsas Clericorum rationes Rex haud
 benignius, quam priora postulata ex-
 cipie-

cipiebat. Sub idem tempus Regis jussu quædam fidei norma concipiebatur, cui omnes ad sinum Ecclesiæ Catholicæ redeuntes subscriberent: ea vero iisdem pene verbis erat concepta, quibus fidei professio a Pio IV. proposita, in qua omnes profiterentur, quod summus Pontifex sit visibile Ecclesiæ Caput, Christi Domini Vicarius, & Divi Petri Successor: nulla tamen ibi specialis fiebat mentio de Concilio Tridentino. Ceterum hæc fidei professio ad omnes Archiepiscopos, & Episcopos mittebatur, adjecto mandato, vi cujus una omnes absque ulla innovatione eidem subscriberent.

§. LIX.

Consultatio circa receptionem Concilii Tridentini.

Paulopost Consultatio, quam Rex instituentem promiserat, circa petitionem de recipiendo Concilio Tridentino reipsa habebatur, in qua Generalis Advocatus prolixo admodum sermone exponebat, illud in Francia recipi haud consultum esse: rationes vero, quibus suam opinionem fulcire nitentur, erant sequentes. I. Franciæ Oratores Tridenti de hac Synodo jam questi sunt. II. In omnibus comitiis fuit decretum, ut ea non reciperetur.

A a 2

III.

Sæcul. XVI.
A.C. 1585.

Mem. pour
la recept. du
Concil. de
Tretne.